

343500

IOANNIS

RAVISII TEX-

TORIS OFFI-

CINÆ

TOMVS SECVNDVS.

*CVM COPIOSISSIMO RERVM
& verborum Indice.*

VIRTVTE DVCE,



COMITE FORTVNA.

LVGDVN L,

APVD ANTONIVM

GRYPHIVM.

M. D. XCIII.

gentium canum figunt Hybernis mensibus se condunt. Partus conceptos histricum cinis potus continet.

Phaïtaga animal Indicum, simile est terrestri Crocodilo, magnitudine Melitei catuli, pelle squamosa & aspera, qua etiam ferrum heberatur.

Ortus reperitur circa Erithræum mare, colore vario, magnitudine canis, ore vsque ad genas albicante, inde ligneis aureis ad ceruicem pertinentibus, dorso plano maculis incurfantibus, aureis pedibus, prioribus albis, posterioribus nigris, mammis duabus Mnammensuram implentibus.

Orientaurus anticam corporis partem similem habet humanæ, posticam asininæ, albo colore, cursu velocissimo. Captus amore libertatis maualt inedia perire, quàm cibum manu raptoris oblatum comesse.

Aspalacum habet Bœotia, vnde si transferatur, statim perit.

Phyrna animal est à quo si quis inspiciatur, dies aliquot maciem contrahet, & pallorem.

Contra verò *Charandrium* si quis istericus vicissim prospexerit, sanitatem recipiet.

Neades animalia sunt in Samo insula, grandi magnitudine, quorum voce abrumpitur tellus.

Catobleptus similis est tauro, terribilis aspectu, superciliis altis & extantibus, oculis sanguineis, & minoribus paulò, quàm sint bouini, semper in terram aspicientibus, iuba equina, quam ad certamen erigit. Frenuens ore aperto haurit aëra.

Chaus habet effigiem lupi & pardorum maculas.

Sepphus pedes posteriores pedibus humanis & cruribus, priores manibus similes.

Rhinoceros vnum habet in nare cornu Certaturus in Elephantum, cornu ad saxa limato præparat se pugnæ. In dimicatione aluum eius maxime perit, vt partem molliorem, Par ei longitudo, crura multo breuiora, color buxeus.

Leucrocota fera est perniciosissima, asini magnitudine, cruribus ceruinis collo cauda & pectore leoninis, capite meliù, bisulca vngula, ore ad nares vsque rescisso, osse perpetuo vice dentium. Imitatur humanas voces. Ea est aut ei similis quàm Crocutam diximus.

Eale fera est magnitudine equi fluuiialis, cauda elephantis, colore nigro vel fuluo, maxillis apri, cornibus cubito maioribus, iisdemq; mobilib⁹ que alterna in pugna sistit, variatq; infesta aut obliqua.

Monoceros caput habet cerui, pedes elephantis, caudam apri, mugitum grauem, vno cornu nigro media fronte duorum cubitorum eminente. Hæc fera nunquam capitur viuâ.

Febris Pontici testes sibi amputant, propter quos intelligunt se à venatoribus vrgeri. Hoc animalis genus aliter appellatur Castor, horrendi adeò morsus, vt arbores iuxta flumina perinde ac ferro cædat. Homini parte comprehensa: non prius morsu resoluit, quàm facta conceperint ossa.

Tragelaphus nascitur iuxta Phasim fluuium Colchorum, speciei cerui, barba tantum & armorum villo distans.

Chameleontem habet Africa, sed frequentiore in India. Crura eius recta sunt. Latera vètri iungūt vt piscibus, & spina simili modo. Rostrū habet suillo nō multum dissimile. Caudam prælongā, quæ in tenuitate desinit, viperinis orbibus se implicans. Vngues aduncos. Motus ei tardus, vt testudini. Corpus asperū vt Crocodilo. Oculi in recessu cauo, resui discrimine, prægrandes, & concolores corpori, qui nunquā operiuntur, nec pupillæ motu, sed totius oculi versatione circumaspiciunt. Celsus est & hianti semper ore. Solus animalium nullo alio quàm aëris alimento nutritur. Colorem mutat oculis, cauda & toto corpore, redditq; semper quencūq; proxime attigit, præter rubrū, & candidum. Hinc adagium, Chameleonte mutabilior: in versipelles & varios homines. Cæterum defuncto pallor est, sanguis in corde & circa oculos tantū. Viscera eius sunt sine splene, latet hybernis mensibus.

Thoes animal est de genere luponū, venatu viuens, innocuū homini habitum, non colorem mutans, hyeme hirtū, æstate nudum.

Pontici mures gustu sunt sagacissimo. Conduntur hyeme, vt alpini, quibus magnitudo media est. Pabulum in specus conuehūt. Fascem herbæ mas & fœmina supini cauda mordicus apprehensa detrahunt ad specum. Ideoq; illo tempore detrito sunt dorso. Resident inclunes, binis pedibus gradiuntur, prioribus vt manibus vtuntur.

Erinacei cibos hyemi præparant, arbores conscendūt, è quibus excutiant poma, quæ demū volutati suis infigunt spinis, portantq; ad cauas arbores. Mutationem Aquilonis in Austrum, cōdentes se in cubile, præfagiunt. Vbi sensere venātem, conuoluuntur in formā pilæ, nequid cōprehendi possit præter aculæos. In desperatione verò, urinam ex se reddunt tabificā, tergori suo, spinisq; noxiā, propter quod se appèti sentiunt. Urina exinanita præcipua est dos tergoris. Si verò tergo ipsum ea fuit aspersum, spinæ fiunt putres & deciduæ. Propterea nunquā nisi in extrema spe maleficio illo se perfundit. Calidæ aquæ aspersu resoluitur pila, in quam se conuoluerunt. Apprehensi altero è posterioribus pede suspensio & fame necantur. Si interficerentur aliter, tergori noceretur. Eorum cure expoliuntur vestes. Nulli reperiuntur in Creta.